

四庫全書

子部

欽定四庫全書

子部
類經圖翼卷九

詳校官太醫院院使臣張肇基

編修臣倉聖脈覆勘

總校官知縣臣楊懋珩

校對官中書臣稽承志

謄錄監生臣胡宗高

欽定四庫全書

類經圖翼卷九

明 張介賓 撰

經絡 七

奇經八脈

此篇諸義與滑伯仁十四經發揮畧同

奇經總論

脈有奇常十二經者常脈也奇經則不拘於常故謂之奇益人之氣血常行於十二經脈經脈滿溢則流

入奇經奇經有八曰任督衝帶陽蹻陰蹻陽維陰維
者是也任脈任於前督脈督於後衝脈為諸脈之海
帶脈猶身之束帶陽蹻為足太陽之別陰蹻為足少
陰之別陽維則維絡諸陽陰維則維絡諸陰陰陽相
維故諸經乃調此八脈者譬猶圖設溝渠以備水潦
斯無濫溢之患人之奇經亦若是也今攷集素問難
經甲乙經聖濟總錄集奇經八脈所發氣穴共成一
篇以備通攷云○虞氏曰奇者奇零之奇不偶之義

謂此八者不係正經陰陽無表裏配合別道竒行故曰竒經也

任脈

任脈者與衝脈皆起於胞中循脊裏為經絡之海其浮而外者循腹上行會於咽喉別而絡唇口血氣盛則肌肉熱血獨盛則滲灌皮膚生毫毛婦人有餘於氣不足於血以其月事數下任衝並傷故脈不營於口唇而髭鬚不生是以任脈為病男子則內結七疝

女子則帶下痲聚故難經曰任脈起於中極之下以
上毛際循腹裏上關元至咽喉上頤循面入目屬陰
脈之海

凡此任脈之行從胞中上注目長四尺五寸總二十
四穴○按氣府論曰任脈之氣所發者二十八穴本
經原缺一穴實止二十七穴內斷交一穴屬督脈承
泣二穴屬足陽明蹻脈故今止二十四穴

督脈

督脈者起於少腹以下骨中央女子入繫廷孔之端
其絡循陰器合篡間繞篡後別繞臀至少陰與巨陽
中絡者合少陰上股內後廉貫脊屬腎與太陽起目
內眥上額交巔上入絡腦還出別下項循肩膊內夾
脊抵腰中入循膂絡腎其男子循莖下至篡與女子
等其少腹直上者貫臍中央上貫心入喉上頤環脣
上繫兩目之下中央此生病從少腹上衝心而痛不
得前後為衝疝其女子不孕癥痔遺溺噎乾治在督

脈 督脈之別名曰長強俠脊上項散上頭下當肩
胛左右別走太陽入貫膂實則脊強虛則頭重故難
經曰督脈者起於下極之腧並於脊裏上至風府入
屬於腦上巔循額至鼻柱屬陽脈之海也此為病令
人脊強反折○督脈從頭循脊入骶長四尺五寸凡
二十八穴

衝脈

衝脈者與任脈皆起於胞中上循背裏為經絡之海

其浮於外者循腹上行會於咽喉別而絡唇口故骨
空論曰衝脈者起於氣街並足少陰之經俠齊上行
至胸中而散此為病令人逆氣裏急又難經曰並足
陽明之經上行然以穴攷之足陽明之脈俠臍左右
二寸而上行足少陰俠臍左右五分而上行按甲乙
銅人等書所載幽門通谷陰都石關商曲育俞中注
四滿氣穴大赫橫骨凡二十二穴皆云衝脈足少陰
之會蓋以骨空論為主也然則衝脈之並足少陰

經也明矣○按逆順肥瘦篇曰夫衝脈者五藏六府之海也五藏六府皆稟焉其上者出於頰頰滲諸陽灌諸精其下者注少陰之大絡出於氣街循陰股內廉入腠中伏行骭骨內下至內踝之後屬而別其下者並於少陰之經滲三陰其前者伏行出跗屬下循跗入大指間滲諸絡而溫肌肉○又如動輸篇及海論所言衝脈之義俱當詳攷見經絡類十三三十二

帶脈

帶脈起於季脇回身一周其為病也腰腹縱容如囊

水之狀○其脈氣所發在季脇下一寸八分穴名帶

脈

在足少陽經

以其回身一周如帶也又與足少陽會於

維道此帶脈所發凡四穴○足少陰當十四椎出屬

帶脈

陽蹻脈

二十八難曰陽蹻脈者起於跟中循外踝上行入風

池○繆刺論曰邪客於足陽蹻之脈令人目痛從內

皆始○二十九難曰陽蹻為病陰緩而陽急○兩足
陽蹻之脈本太陽之別合於太陽其氣上行氣并相
還則為濡目氣不營則目不合男子數其陽女子數
其陰當數者為經不當數者為絡也○蹻脈長七尺
五寸所發之穴生於申脈以附陽為郄本於僕參與
足少陽會於居髎又與手陽明會於肩髃及巨骨又
與手足太陽陽維會於臑俞又與手足陽明會於地
倉巨髎又與任脈足陽明會於承泣又與手足太陽

足陽明陰躄脈會於睛明凡二十二穴

申脈

足太陽
外踝下

附陽

足太陽
外踝上

僕參

足太陽
跟骨上

居膠

足少陽
章門下

肩髃

手陽明
肩端

巨骨

手陽明
肩上一

臑俞

手太陽
肩胛上

地倉

足陽明
口吻旁

巨膠

足陽明
鼻旁

承泣

足陽明
目下

睛明

足太陽
目內眥

陰躄脈

脈度篇曰躄脈者少陰之別起於然骨之後上內踝之上直上循陰股入陰上循胸裏入缺盆上出人迎

之前入頤屬目內眥合於太陽陽蹻而上行女子以之為經男子以之為絡○二十八難曰陰蹻脈者亦起於跟中循內踝上行至咽喉交貫衝脈○二十九難曰陰蹻為病陽緩而陰急○兩足蹻脈各長七尺五寸而陰蹻所生在照海以交信為郄陰蹻脈病者取此

然骨

即然谷之次

交信

足少陰內踝上

照海

足少陰內踝下在然骨後

睛明

足太陽目內眥

陽維脈

陽維維於陽其脈起於諸陽之會與陰維皆維絡於身若陽不能維於陽則溶溶不能自收持○其脈氣所發別於金門以陽交為郄與手足太陽及蹻脈會於膈俞與手足少陽會於天膠又會於肩井其在頭也與足少陽會於陽白上於本神及臨泣上至正營循於腦空下至風池其與督脈會則在風府及瘕門此陽維脈氣所發凡二十四穴○難經曰陽維為病

苦寒熱

金門

足太陽
外踝下

陽交

足少陽
外踝上

臑俞

手太陽
肩後

天膠

手少陽
缺盆上

肩井

足少陽
肩上

陽白

足少陽
眉上

本神

足少陽
眉上

臨泣

足少陽
眉上

正營

足少陽
目窻上

腦空

足少陽
枕骨下

風池

足少陽
顛顛後

風府

督脈後
髮際

瘕門

督脈風
府後

陰維脈

陰維維於陰其脈起於諸陰之交若陰不能維於陰

則悵然失志○其脈氣所發者陰維之郄名曰築賓
與足太陰會於腹哀大橫又與足太陰厥陰會於府
舍期門與任脈會於天突廉泉此陰維脈氣所發凡
十二穴○難經曰陰維為病苦心痛

築賓

足少陰
內踝上

腹哀

足太陰
乳下

大橫

足太陰
腹哀下

府舍

足太陰
少腹下

期門

足厥陰
乳下

天突

任脈
喉下

廉泉

任脈
舌本下

奇經八脈歌

正經經外是奇經八脈分司各有名後督前任皆在內
 衝由毛際腎同行陽蹻跟外膀胱別陰起跟前隨少陰
 陽維只絡諸陽脈何謂陰維為絡陰帶脈圍腰如束帶
 不由常度曰奇經

藏府募俞穴

募音暮舉痛論作膜蓋以肉間膜系為藏氣結聚之所故曰募○俞音庶

扁鵲傳作輸猶委輸之輸言藏氣之所輸也募皆在腹俞皆在背故難經曰募在陰俞在陽也

中府

肺募在

巨闕

心包募在任脈

章門

脾募在足厥陰

期門

肝募在

中脘

胃募在任脈

天樞

大腸募在足陽明

闕元 小腸募 在任脈

日月 膽募 在本經

京門 腎募 在足少陽

中極 膀胱募 在任脈

石門 三焦募 在任脈

肺俞 三椎 下

心俞 五椎 下

肝俞 九椎 下

脾俞 十一椎 下

腎俞 十四椎 下

厥陰俞 四椎 下 心包也

大腸俞 十六椎 下

小腸俞 十八椎 下

膽俞 二十椎 下

膀胱俞 十九椎 下

三焦俞 十三椎 下

胃俞 十二椎 下

八會穴

中脘 任脈穴 太倉也 六府 取稟於胃故曰府會

章門

足厥陰穴脾募也五藏皆稟於脾故曰藏會

陽陵泉

足少陽之筋結於此肝主筋膽為之合故曰筋會

懸鍾

足少陽穴諸髓皆屬於骨故曰髓會人能健步以髓會絕骨也

膈俞

足太陽穴穀氣由膈達於上焦化精微為血之處故曰血會

大椎

督脈穴有脊之骨會於此故曰骨會肩能任重以骨會大椎也

太淵

手太陰穴平且脈會於此故曰寸口者脈之大會

臑中

任脈穴此三焦宗氣所居是為上氣海故曰氣會

九門

飛門 脣也

戶門 齒也

吸門 會厭也

賁門

胃之上口

幽門

太倉之下口

闡門

小腸之下口

魄門

肝門也

命門

精血之門居前陰中新增入

氣門

澁溺之門居前陰中由氣化而出故曰氣門新增入

同名穴

頭臨泣

足少陽

足臨泣

足少陽

腹通谷

足少陰

足通谷

足太陽

手三里

手陽明

足三里

足陽明

頭竅陰

足少陽

足竅陰

足少陽

背陽關

督脈

足陽關

足少陽

類經圖翼卷九

欽定四庫全書

類經圖翼卷十

明 張介賓 撰

經絡 八

奇俞類集

頭面部

前神聰 去前頂五分自神庭至此穴共四寸

主治中風風癰灸三壯

後神聰 去百會一寸

主治中風風癰灸三壯

髮際 平眉上三寸是穴

主治頭風眩暈疼痛延久不愈灸三壯

印堂 在兩眉中間

神農鍼經云治小兒急慢驚風可灸三壯艾炷如小

麥○玉龍賦云善治驚悸

海泉 在舌下中央脈上○主治消渴鍼出血

左金津 右玉液 在舌下兩旁紫脈上

主治消渴口瘡舌腫喉痺三稜鍼出血

陽維 在耳後引耳令前絃筋上是穴

千金云耳風聾雷鳴灸陽維五十壯

鼻交頰中 千金翼云主癩風角弓反張羊鳴大風青

風面風如蟲行卒風多睡健忘心中憤憤口禁卒倒

不識人黃疸急黃此一穴皆主之鍼入六分得氣即

寫留三呼五吸不補亦宜灸然不及鍼慎酒麪生冷

醋滑猪魚蒜蕎麥漿水

機關 在耳下八分近前

千金翼云凡卒中風口噤不開灸機關二穴五壯即愈一云隨年為壯僻者逐左右灸之

脣裏穴 千金翼云脣裏正當承漿邊通齒斷鍼三銜
主治馬黃黃疸

夾承漿穴 千金翼云夾承漿兩邊各一寸治馬黃急
疫

驚口 在口吻兩邊驚口處赤白肉際

千金翼云主治狂風罵詈搯人名為熱陽風灸驚口各一壯○又云狂邪鬼語灸十五壯○又云小兒大小便不通灸口兩吻各一壯

顛顛 千金翼云顛顛在眉眼尾中間上下有來去絡脈是鍼灸之所○主治疸氣溫病

耳上穴 千金翼云治癭氣灸風池及耳上髮際各百壯千金作兩耳後髮際

當陽 當瞳子直入髮際內一寸去臨泣五分是穴○

主治風眩鼻塞灸三壯

魚尾 在目眥外頭

玉龍賦云無精明太陽治目證

胸背腹脇部

龍領 在鳩尾上一寸半

千金翼云主心痛冷氣上灸百壯勿鍼

乳上穴 千金翼云治乳癰妬乳以繩橫度口以度從

乳上行灸度頭二七壯

通谷 在乳下二寸

千金云心痛惡氣上脇痛急灸五十壯

魂舍 在夾臍兩邊相去一寸

千金云主小腸洩痢膿血灸百壯小兒減之

肋頭 千金翼云治癥癖患左灸左患右灸右第一屈

肋頭近第二肋下即是灸處第二肋頭近第三肋下

向肉翅前亦是灸處初日灸三壯次日五壯後七壯

周而復始至十止惟忌大蒜餘不忌

肋罅 千金翼云治飛尸諸注以繩量病人兩乳間中
屈之乃從乳頭向外量使當肋罅於繩頭盡處是穴
灸隨年壯千金云三壯或七壯男左女右○又云凡
中尸者飛尸遁尸風尸尸注也其狀皆腹脹痛急不
得息氣上衝心胸兩脇或踈踈起或攣引腰脊灸乳
後三寸男左女右可二七壯如不止多其壯數愈

長谷 在夾臍相去五寸一名循際

千金云主治下痢不嗜食食不消灸五十壯三報之
腸遺 俠中極旁相去二寸半

千金云治大便難灸隨年壯

育募 千金云育募二穴以乳頭斜度至臍中乃屈去
其半從乳下量至盡處是穴主治結氣囊裏鍼藥所
不及者灸隨年壯

脇堂 在腋下骨間陷中舉腋取之

主治胸脅氣滿噦噫喘逆目黃遠視眈眈可灸五壯

後腋 下穴 千金云治頸漏灸背後兩邊腋下後文頭

隨年壯

腋 下穴 千金翼云噦噫膈中氣閉塞灸腋下聚毛下

附肋 宛宛中五十壯神良

胞門 子戶 氣門

千金翼云子藏門塞不受精妊娠不成若墮胎腹痛
漏胞見赤灸胞門五十壯關元左邊二寸是也右邊
名子戶若胞衣不出及子死腹中或腹中積聚皆鍼

入胞門一寸

又云胎孕不成灸氣門穴在關元旁三寸各五十壯

○又漏胎下血不禁灸百壯

脊背五穴 千金翼云治大人癩疾小兒驚癇灸背第

二椎上及下窮骨尖二處乃以繩度量上下中折復

量至脊骨上點記之共三處畢復斷此繩取其半者

為三折而參合如△字以上角對中央一穴其下二

角正夾脊兩邊同灸之凡五處也各百壯

濁浴 千金翼云俠膽俞旁行相去五寸名濁浴○主胸中膽病恐懼多驚少力口苦無味灸隨年壯

巨闕俞 千金翼云第四椎名巨闕俞主胸膈中氣灸隨年壯

督俞 在第六椎下兩旁相去各二寸禁鍼可灸一名

高蓋

氣海俞 在第十五椎下兩旁相去各二寸刺三分留

六呼可灸

關元俞 在第十七椎下兩旁相去各二寸刺三分留
六呼可灸○主治瀉痢虛脹小便難婦人瘕聚諸疾
腰眼 其法令病人平眠以筆於兩腰眼宛宛中點二
穴各灸七壯此穴諸書所無而居家必用載之云其累

試累驗

主治諸勞瘵已深之難治者於癸亥日二更盡入三
更時令病人平眠取穴灸三壯

一傳治傳屍癆瘵以致滅門絕戶者有之此證因寒

熱煎作血凝氣滯有化而為蟲者內食藏府每致傳
人百方難治惟灸可攻其法於癸亥日二更後將交
夜半乃六神皆聚之時勿使人知令病者解去下衣
舉手向上略轉後些則腰間兩旁自有微陷可見是
名鬼眼穴即俗人所謂腰眼也正身直立用墨點記
然後上床合面而卧用小艾炷灸七壯或九壯十一
壯尤好其蟲必於吐瀉中而出燒燬遠棄之可免傳
染比四花等穴尤易且效

千金翼云治腰痛灸腰目窞在尻上約左右○又云
在腎俞下三寸夾脊兩旁各一寸半以指按陷中主
治消渴此二說者似皆指此穴

夾脊穴 肘後云此華佗法

千金翼云治霍亂轉筋令病者合面卧伸兩手著身
以繩橫牽兩肘尖當脊間繩下兩旁相去各一寸半
所灸百壯無不差者

下極俞 千金翼云第十五椎名下極俞主腹中疾腰

痛膀胱寒飲澀注下灸隨年壯

十七椎穴 千金翼云轉胞腰痛灸十七椎五十壯

迴氣 在脊窮骨上赤白肉下

主五痔便血失屎灸百壯千金翼曰若灸窮骨惟多
為佳

身交 在少腹下橫文中

千金翼曰白崩中灸少腹橫文當臍孔直下一百壯
及治胞落癩頰三報之○又治大小便不通○又治

尿牀者可灸七壯

陰部

橫骨 千金翼曰婦人遺尿不知時出灸橫骨當陰門
七壯○又治癩疔在橫骨兩旁夾莖灸之

泉陰 在橫骨三寸

千金翼云治癩卵偏大灸泉陰百壯三報之

陰囊下橫文 千金翼云治風氣眼反口噤腹中切痛

灸陰囊下第一橫理十四壯

陰莖 千金翼云治卒癩病灸陰莖上宛宛中三壯得
小便通即瘥當尿孔上是穴○又灸陰莖頭三壯
羊矢 在會陰旁三寸股內橫文中按皮肉間有核如
羊矢可刺三分灸七壯

四支部

大骨空 在手大指第二節前尖上屈指當骨節中灸
二七壯禁鍼○主治內瘡久痛及吐瀉

拳尖 在中指本節前骨尖上握拳取之○主治風眼

翳膜疼痛患左灸右患右灸左炷如小麥

五虎 在手食指無名指背間本節前骨尖上各一穴
握拳取之○主治手指拘攣

中魁 在手中指第二節前骨尖上屈指得之○捷法
又云在手腕中上側兩筋間陷中灸二七壯蓋此以
陽谿言也觀者辨之

主治五膈反胃

手中指第一節穴 千金云牙齒疼灸兩手中指背第

二節前有陷處七壯下火立愈

中泉 在手腕外間陽池陽谿中間陷中灸七壯○主
治胸中氣滿不得卧肺脹滿膨膨然目中白翳掌中
熱胃氣上逆唾血及心腹中諸氣痛

手掌後白肉際穴 主治霍亂轉筋在兩臂及胸中灸
手掌後白肉際七壯

手掌後臂間穴 千金云治疗腫灸掌後橫文後五指
許男左女右七壯即驗已用得效○又云治風牙疼

以繩量自手中指頭至掌後第一橫文折為四分乃復自橫文比量向後於臂中盡處兩筋間是穴灸三壯隨左右灸之兩患者灸兩臂至驗

虎口 小兒脣緊灸虎口男左女右七壯又兼灸承漿三壯○又治煩熱頭疼刺虎口三分○又治心痛灸兩虎口白肉際七壯

手足髓孔 千金翼云手髓孔在腕後尖骨頭宛宛中

此當是下脚髓孔在足外踝後一寸俱主痿退風半

踝前也

身不遂可灸百壯

兩手研子骨 千金翼云腕豆瘡灸兩手腕研子骨尖

上三壯男左女右

河口 千金翼云狂走驚癇灸河口五十壯在手腕後

陷中動脈此與陽明同也

按此當是手陽明陽谿之次

肘尖 千金翼云治腸癰屈兩肘尖頭骨各灸百壯則

下膿血者愈○又云正灸肘頭銳骨

膝眼 在膝頭骨下兩旁陷中刺五分禁灸

主治膝冷痛不已昔有人膝痛灸此遂致不起以禁
灸也○玉龍賦云兼髓骨治脚腿重痛

髓骨 在膝蓋上梁邱旁外開一寸

主治兩脚膝紅腫痛寒濕走注白虎歷節風痛腿了
風痛舉動不得

風市 在膝上七寸外側兩筋間又取法令正身平立
直垂兩手著腿當中指頭盡處陷中是穴鍼五分灸
三五壯○千金云病輕者不可減百壯重者灸五六百

壯○主治腰腿痠痛足脛麻頑脚氣起坐艱難先寫
後補風痛先補後寫此風痺冷痛之要穴○玉龍賦
云兼陰市能驅腿脚之乏力○神農經云治偏風半
身不隨兩脚疼痛灸二十一壯

交儀穴 千金云婦人漏下赤白月水不利灸交儀穴
在內踝上五寸

營池四穴 千金云婦人下血漏赤白灸營池四穴三
十壯在內踝前後兩邊池上脈一名陰陽

漏陰穴 千金云婦人漏下赤白四肢痠削灸漏陰三十壯穴在內踝下五分微動脈上

足太陰 太陽穴 千金云婦人逆產足先出刺足太陰入三分足入乃出鍼穴在內踝後白肉際骨陷宛宛中○又胞衣不出刺足太陽入四分在外踝後一

寸宛宛中

按此或即崑崙穴

足踝 千金云小兒重舌灸左足踝上七壯○又云灸兩足外踝上三壯○又治齒疼灸外踝上高骨前交

脈上七壯○又治轉筋十指拘攣灸足外踝骨上七壯○又治反胃吐食灸內踝下稍斜向前有穴三壯外臺秘要云向前一指○又治諸惡漏中冷瘰肉出灸足內踝上各三壯二年六壯

外踝尖 在外踝尖上三寸○主治外轉筋可灸七壯或刺出血

踝尖 在足內踝尖上○主治下牙痛內廉轉筋脚氣寒熱灸七壯或鍼出血

內崑崙 在足內踝後陷中

主治轉筋刺入六分氣至寫之

承命 在內踝後上行三寸動脈中

主治狂邪驚癇灸三十壯一日七壯

足踵 主治霍亂轉筋灸湧泉三七壯如不止灸足腫

聚筋上白肉際七壯立愈

陰陽穴 在足拇指下屈裏表頭白肉際○主治婦人

下漏赤白注泄灸隨年壯三報之

足大指橫文穴 三毛中

千金翼云治卒中惡悶熱毒欲死灸足大指橫文隨
年為壯○又治陰腫欲潰困憊灸大姆指本節橫文
中五壯一日隨年壯○又治癩卵疝氣灸足大指本
節間三壯○又治癩疝灸足大指內側去端一寸白
肉際隨年壯甚驗若雙癩灸兩處○又治癩疝卵腫
如爪入腹欲死灸足大指下橫文中隨年壯即腫邊
灸之神驗○又治老少大便失禁灸兩脚大指去甲

一寸所三壯○又治卒癲病灸聚毛中七壯○又治
鼻衄時癢灸足大指節橫理三毛中十壯劇者百壯
并主陰腫○又治久魘不醒者灸兩足大指聚毛中
二十一壯

獨陰 在足趾下橫文中

按捷法云即至陰
穴當是足小指也

主治乾嘔吐小腸疝氣死胎胎衣不下

足第二指上穴 主治水病灸足第二指上一寸隨年
壯

手足小指穴 主治食注灸手小指尖頭男左女右隨
年壯○又治消渴證初灸兩手足小指頭及項椎隨
年壯又灸膀胱俞橫三間寸灸之亦隨年壯五日一
報之○又治癩疔灸手小指端七壯左灸右右灸左
手足大指爪甲穴 千金翼云治卒中邪魅鼻下人中
及手足大指爪甲令艾炷半在爪上半在肉上灸七
壯不止十四壯炷如雀矢○又十三鬼穴於第二次
下鍼刺手大指爪甲下入肉三分穴名鬼信○又第

三次下鍼刺其足大指爪甲下入肉二分穴名鬼壘
○又治小便數而少且難男輒失精此方甚驗令其
人合掌並兩大指灸甲角肉際兩指共此一壯亦灸
足大指與手同各三壯三日一報之○又治癩病陰
腫令並足合兩拇指爪甲以一艾炷灸兩爪端方角
上七壯○又秦承祖灸鬼法名鬼哭穴以兩手大指
相並縛定用艾炷騎縫灸之令兩甲後連肉四處著
火一處無火則不效灸七壯或二七壯○一曰前秦

承祖所用者是名手鬼眼又二穴在兩足大拇指間亦與取手穴同法是名足鬼眼用治癩癩夢魘鬼擊灸之大效亦治五癎呆癡及傷寒發狂等證

鬼穴部

鬼城 十指端

千金云邪病大喚罵詈狂走十指端去爪甲一分主之一名鬼城○又治指忽掣痛不可忍灸指端七壯鬼牀 千金云第七次下鍼在耳垂下五分用火鍼三

下名鬼牀治百邪癩狂

鬼藏 千金云第十一次下鍼陰下縫女人玉門頭灸
三壯名鬼藏

鬼封 千金云第十三次下鍼在舌頭當舌中下縫刺
貫出舌上仍以一板橫口吻安鍼頭勿令舌動名鬼
封

千金方十三鬼穴須知

百邪所為癩狂病鍼有十三穴須認凡鍼之用先鬼

宮次鍼鬼信無不應一一從頭逐一求男從左起女
從右一鍼人中鬼宮停左邊下鍼右出鍼第二手大
指甲下穴名鬼信刺三分三鍼足大指甲下名曰鬼
壘二分深四鍼掌上大陵穴入寸五分為鬼心五鍼
申脈名鬼路火鍼三下七銍銍第六却尋大椎上入
髮一寸名鬼枕七刺耳垂下五分名曰鬼牀鍼要溫
八鍼承漿名鬼市從左出右君須記九鍼間使鬼路
上十鍼上星名鬼堂十一陰下縫三壯女玉門頭為

鬼藏十二曲池名鬼臣火鍼仍要七銍銍十三舌頭
當舌中此穴是名為鬼封手足兩邊相對刺若逢孤
穴只單通此是先師真妙訣猖狂惡鬼走無縱

扁鵲曰百邪所病者鍼有十三穴凡刺之法先從鬼
宮起次鍼鬼信便至鬼壘又至鬼心不必盡鍼止五
六穴即可知矣若是邪蠱之精便自言說論其由來
往驗有實立得精靈未必須盡其命求去許之男從
左起鍼女從右起鍼若數處不言便當徧刺依訣而

行之

崔氏四花六穴

凡男婦五勞七傷氣血虛損骨蒸潮熱咳嗽痰喘五
心煩熱四肢困倦羸弱等證並皆治之

第一次先取二穴 令患人平身正立取一細繩約
長三四尺者蠟之勿令伸縮乃以繩頭與男左女右
足大拇指端比齊令其順脚心至後跟踏定却引繩
向後從足跟足肚貼肉直上比至膝灣曲脰中大橫

文截斷次令病者平身正坐解髮分頂中露頭縫取
所比蠟繩一頭齊鼻端按定引繩向上循頭縫項背
貼肉垂下至繩頭盡處以墨記之

此非
灸穴

別又取一小

繩令患者合口將繩雙摺自鼻柱根按定左右分開
比至兩口角如人字樣截斷却將此繩展直取中橫
加於前記脊背中墨點之上其兩邊繩頭盡處以墨
記之此第一次應灸二穴名曰患門

右法若婦人足小者難以為則當取右臂自肩髃

穴起以墨點記伸手引繩向下比至中指端截斷
以代量足之法庶乎得宜

第二次取二穴 令患人平身正坐稍縮臂膊取一
蠟繩繞項後向前雙垂頭與鳩尾尖齊雙頭一齊截
斷却翻繩頭向後將此繩中摺處正按結喉上其繩

頭下垂脊間處以墨記之

此非
灸穴

又取一小繩令患人

合口橫量齊兩吻截斷還加於脊上墨點處橫量如
前法於兩頭盡處點記之此是第二次應灸兩穴即

四花之左右二穴也

前共四穴同時灸之初灸七壯或二七三七壯以至百壯為妙俟灸瘡將瘡或火瘡發時又依後法灸二穴

後次取二穴以第二次量口吻短繩於第二次脊間墨點處對中直放務令上下相停於繩頭盡處以墨記之此是灸穴即四花之上下二穴也

右共六穴宜擇離日火日灸之灸後百日内宜慎

房勞思慮飲食應時寒暑得中將養調護若瘡愈後仍覺未瘥依前再灸無不愈者故云累灸至百壯但脊骨上兩穴不宜多灸凡一次只可三五壯多則恐人倦怠若灸此六穴亦宜灸足三里寫火方妙

愚按前法灸脊旁四穴上二穴近五椎心俞也下二穴近九椎肝俞也崔知悌不指穴名而但立取法蓋欲人之易曉耳然稽之脊背穴法則太陽二行

者當去脊中各開二寸方得正脈乃可獲效用者
仍宜審之

騎竹馬灸法

主治一切癱疽惡瘡發背婦人乳癰皆可治之○量
法用薄篾一條以男左女右手臂腕中自尺澤穴橫
文起比至中指端齊肉盡處截斷為則却用竹杠一
條令病者脫去上衣正身騎定使兩人前後杠起令
病人脚不著地仍令二人扶之勿使偃僂搖動却將

前所量箴從竹杠坐處尾骹骨下著杠比起貼脊直
上至後盡處點記之此是取中非灸穴也更用薄箴

量手中指用同身寸法取定二寸平放於脊中墨點

上各開一寸是穴

一本作各開二寸

灸五七壯一曰疽發於

左則灸右疽發於右則灸左甚則左右皆灸蓋此二

穴乃心脈所過之處凡癰疽皆心火留滯之毒灸此

則心火流通而毒散矣起死回生之功屢試屢驗

類經圖翼卷十

欽定四庫全書

子部
類經圖翼卷十一

詳校官太醫院院使臣張肇基

編修臣倉聖脈覆勘

總校官知縣臣楊懋珩

校對官中書臣稽承志

謄錄監生臣胡宗高

欽定四庫全書

類經圖翼卷十一

明 張介賓 撰

鍼灸要覽

十四經鍼灸要穴歌

肺經要穴歌

手太陰兮經屬肺

尺澤肘中約紋是

列缺腕側一寸半

經渠寸口陷中記

太淵掌後橫紋裏

魚際大指節後起

少商大指內側端

相離爪甲如韭耳

大腸經要穴歌

手之陽明屬大腸

食指內側號商陽

本節前二間可取

本節後三間勿忘

岐骨間可尋合谷

腕上側陽谿所藏

三里去曲池二寸

曲池在肘節中央

肩端上肩髃骨罅

鼻孔旁乃是迎香

胃經要穴歌

足陽明兮胃之經

頭維額角兩邊行

頰車耳下曲頰處

地倉夾吻四分平

伏兔還離膝六寸

陰市須從減半論

三里上廉和下廉

膝下相挨各三寸

解谿腕上繫鞋處

趺上動脈衝陽遇

陷谷兩指節後間

內庭次指外間連

厲兌存於足次指

去甲如韭陽明全

脾經要穴歌

足太陰脾家經絡

隱白起足拇內角

大都在節後肉際

太白從核骨下摸

公孫節後一寸加

商邱踝下微前些

踝上陰交三寸遠

輔下陰陵內不差

心經要穴歌

手少陰經心脈透

少海內廉居肘後

靈道去掌寸半長

通里一寸應非謬

神門掌後銳骨端

少府相隨本節邊

少衝甲角須求內

二穴皆從小指連

小腸經要穴歌

手太陽經小腸脈

小指外端尋少澤

前谷還求本節前

後谿節後須從側

腕骨腕前無待卜

腕中銳下求陽谷

小海肘端外五分

聽宮耳內如珠伏

膀胱經要穴歌

足之太陽屬膀胱

睛明起自內眥旁

攢竹二穴眉頭取

絡却後髮四寸五

肺俞三椎膈俞七

肝俞九椎之下出

腎俞十四椎間算

膏肓相近四椎半

委中膝膕約紋看

承山腓下分肉間

崑崙踝下後五分

外踝之下尋金門

申脈也從踝下起

肉際陷中容爪耳

腎經要穴歌

足有少陰經屬腎

湧泉捲指足中心

然谷踝前高骨下

太谿踝後動中尋

踝下四分尋照海

踝上二寸復溜在

陰谷須尋內輔下

大筋小筋中可揣

心包經要穴歌

手厥陰者心包絡

肘內橫紋求曲澤

間使掌後三寸量

內關二寸非難索

大陵掌後兩筋間

欲取勞宮掌內看

中衝須是求中指

爪甲相連向指端

三焦經要穴歌

手少陽與三焦連

液門名指節根前

中渚退居本節後

陽池腕上陷中旋

外關腕後二寸地

再加一寸支溝位

天井肘外上一寸

角孫耳廓上邊記

絲竹空從眉後取

耳門耳缺之前際

膽經要穴歌

足少陽膽經聽會

開口耳前有空位

臨泣髮際上五分

目窻更加一寸存

風池陷居後髮際

肩井在肩大骨內

帶脈肋下一寸八

環跳髀樞中是穴

膝下一寸陽陵泉

踝上四寸陽輔前

丘墟踝下如前陷

臨泣四指節後邊

俠谿小次岐間縫

竅陰四指內之端

肝經要穴歌

足厥陰肝在何處

大敦拇指毛中聚

行間動在歧節前

太衝節後有脈據

中封內踝前一寸

曲泉輔下橫紋盡

章門臍上二寸量

季肋之端居兩旁

期門乳旁一寸半

直下寸半二肋詳

督脈要穴歌

督脈水溝人中起

上星入髮一寸止

百會正在頂之巔

風府一寸後髮裏

瘞門入髮五分中

大杼一椎骨上逢

腰俞二十一椎下

穴得其真功自隆

任脈要穴歌

任脈中行正居腹

臍下關元三寸錄

氣海離臍一寸半

神闕臍中隨所欲

水分一寸居臍上

中脘還須四寸足

臛中正在兩乳間

欲得承漿脣下畜

已上要穴乃十四經谿谷氣血所聚之處皆極切

於用者較之諸穴有所不同故撮為此歌以便記
誦凡業鍼灸家者不可不加之意也

諸證灸法要穴

凡用灸者所以散寒邪除陰毒開鬱破滯助氣回陽火
力若到功非淺鮮故古人灸法有二報三報以至連
年不絕者前後相催其效尤速或自三壯五壯以至
百壯千壯者由漸而增多多益善也然灸頭面者艾
炷宜小亦不宜多灸手足者稍倍之灸腹背者又倍

之若上下俱炎必須先上而後下不可先下後上也
凡用火補者勿吹其火必待其從容徹底自滅炎畢
即可用膏貼之以養火氣若欲報者直待報畢貼之
可也用火寫者可吹其火傳其艾宜於迅速須待炎
瘡潰發然後貼膏此補寫之法也其有脈數躁煩口
乾咽痛面赤火盛陰虛內熱等證俱不宜灸反以助
火不當灸而灸之災害立至矣圖翼四卷有鍼灸諸
則所當並察

中風

中藏氣塞痰上昏危不省人事

百會

風池

大椎

肩井

間使

曲池

足三里

凡覺手足攣痺心神昏亂將有中風之候不論
是風與氣可依次灸此七穴則愈

合谷

風市

手三里

崑崙

申脈

神闕 凡卒中風者神闕最佳羅天益曰中風服藥只可扶持要收全功艾火為良蓋不惟逐散風邪宣通血脈其於回陽益氣之功真有莫能盡述者詳見本穴

偏風半身不遂

左患灸右
右患灸左

肩髃

百會

肩井

客主人

主口
歪

列缺

手三里

風市

曲池

陽陵泉

環跳

足三里

絕骨

崑崙

申脈

口眼喎斜

頰車

地倉

水溝

承漿

偏風
口喎

聽會

合谷

凡口喎向右者是左脈中風

而緩也宜灸左喎陷中二七壯喎向左者是右

脈中風而緩也宜灸右喎陷中二七壯艾炷如

麥粒可矣

口噤不開

頰車

承漿

合谷

瘡瘻

天突

靈道

陰谷

復溜

豐隆

然谷

戴眼

神庭

脊骨三椎五椎各灸五七壯齊下火立效

癰瘰

肩井

肩髃

曲池

中渚

合谷

陽輔

陽谿

足三里

崑崙

角弓反張

百會

神門

間使

僕參
七壯

命門

太衝

風痺不仁

天井

尺澤

少海

陽輔

中渚 環跳 太衝

厥逆

人中

灸七壯或鍼
入至齒妙

臆中

二十
一壯

百會

暴厥
逆冷

氣海

一法以繩圍男左女右臂腕為則將繩

從大椎向下度至脊中繩頭盡處是穴灸二十一

壯

屍厥卒倒氣脫

百會

人中

合谷

間使

氣海

闕元

卒忤

肩井

巨闕

傷寒

頭疼身熱

二間

合谷

神道

風池

期門

間使

足三里

汗不出

合谷

腕骨

通里

期門

足三里

復溜

發狂

百會

間使

復溜

陰谷

足三里

陰證

期門

間使

氣海

關元

聲啞

天突

期門

間使

合谷刺

太衝刺

所謂開四關者即合谷太衝也

耳聾

腎俞

偏歷

聽會

小便閉

陰谷

關元

陰陵泉

舌捲囊蹇

天突

廉泉

合谷

腎俞

復溜

然谷

血海

腹脹

太白

復溜

足三里

餘熱

曲池

間使

後谿

虛癆

虛損注夏羸瘦

大椎

肺俞

膈俞

胃俞 三焦俞 腎俞

中脘

天樞

氣海

真氣不足

足三里

三陰交

長強

崔氏四花六穴

一法取手掌中大指根稍前肉魚間近內側大紋半指許外與手陽明合谷相對處按之極瘦者是穴此同長強各灸七壯甚妙

傳屍癆

第一代蟲傷心宜灸心俞穴并上下如四花樣○

第二代灸肺俞四穴如前○第三代灸肝俞四穴
如前○第四代灸厥陰俞四穴如前○第五代灸
腎俞四穴如前○第六代灸三焦俞四穴如前

此證五日輕五日重輕日其蟲大醉方可灸又
須請蓮經并普庵呪鎮念之

一法灸腰眼花

法在圖
翼十卷

一法凡取癆蟲可於三椎骨上一穴并膏肓二穴
各灸七壯然後以飲食調理方下取蟲等藥

骨蒸寒熱夜熱

百勞

膏肓

肺俞

魄戶

脾俞

腎俞

四花穴

間使

足三里

虛怯飲食不化

膈俞

脾俞

胃俞

中腕

梁門

內關

天樞

足三里

多汗少力

大橫

盜汗

肺俞

復溜

譙譙

瘧多汗

下元痼冷

此腎與膀胱虛寒也多灸愈妙

腎俞

神闕

關元

氣海

陽脫

三陰交

陰寒腹痛欲死

人有房事之後或起居犯寒以致臍腹痛極頻危

者急用大附子為末唾和作餅如大錢厚置臍上
以大艾炷灸之如倉卒難得大附只用生薑或菝
白頭切片代之亦可若藥餅焦熱或以津唾和之
或另換之直待灸至汗出體溫為止或更於氣海
丹田關元各灸二七壯使陽氣內通逼寒外出手
足溫暖脈息起發則陰消而陽復矣

血證

吐血

百勞

肺俞

心俞

夏止
五壯

膈俞

肝俞

脾俞

腎俞

脊骨

詳後
便血

中腕

虛勞
吐血

天樞

太淵

通里

間使

大陵

外關

刺

足三里

怒氣傷肝吐血

膈俞

肝俞

脾俞

腎俞

間使

足三里

衄血

上星

灸一壯即止一曰須七壯少則不能斷根

顛會

亦如上星

百勞

風門

膈俞

脊骨

詳後便血

合谷

湧泉

一法於項後髮際兩筋間宛中穴灸三壯蓋血自此入腦注鼻中故灸此立止

便血

中脘

氣海

上二穴灸脫血色白脈濡弱

手足冷飲食少思強食即嘔宜灸之其效如神

凡大便下血諸治不效者但取脊骨中與臍相平
須按脊骨高突之處覺痠疼者是穴方可於上灸
之不疼者非也灸七壯即止如再發即再灸七壯
永可除根至於吐血衄血一切血病百治不效者
經灸永不再發

一法於脊中第二十椎下隨年壯灸之

尿血

膈俞

脾俞

三焦俞

腎俞

列缺 章間 大敦

鼓脹 大抵水腫極禁鍼刺

十般鼓腫要先知 切忌臍高凸四圍

腹上青筋休用藥 陰囊無縫不堪醫

背平如板終難治 掌上無紋有限時

五穀不消十日死 肚光如鼓療應遲

痰多氣短皆無藥 十個當知九箇危

任使神醫難措手 勸君切記此篇書

又

氣腫從來不可醫

肚光如鼓甚蹻蹠

按之如石彈之響

泄氣方能見效奇

水溝

三壯

水分

灸之大良

神闕

三壯主水鼓甚妙

膈俞

肝俞

脾俞

胃俞

腎俞

中脘

氣海

氣脹水鼓黃腫

陰交

水腫

石門

水腫七壯

中極

水脹

曲骨

水腫

章門

石水

內關

陰市

水腫

陰陵泉

水腫

足二里

復溜

解谿

虛腫

中封

太衝

陷谷

水腫

然谷

石水

照海

公孫

已上諸穴擇宜用之

血鼓

膈俞

脾俞

腎俞

間使

足三里

復溜

行間

單腹脹

肝俞

脾俞

三焦俞

水分

公孫

大敦

虛勞浮腫

太衝

積聚痞塊

久痞灸背脊中命門穴兩旁各四指許是穴痞在左

灸右在右灸左

一法曰凡治痞者須治痞根無不獲效其法於十三椎下當脊中點墨為記墨之兩旁各開三寸半

以指揣摸自有動處即點穴灸之大約穴與臍平
多灸左邊或左右俱灸此痞根也或患左灸右患
右灸左亦效

上腕

中腕

幽門

通谷

結積
留飲

梁門

天樞

期門

百壯治積氣
上奔甚急欲絕

章門

一切積
聚痞塊

氣海

百壯治一
切氣塊

關元

百壯治奔脈氣
逆痛不可忍

脾俞

三焦俞

右穴皆灸積塊可按證選用

肺積 名息奔在右脅下

尺澤

章門

足三里

心積 名伏梁起臍上上至心下

神門

後谿

巨闕

足三里

肝積 名肥氣在左脅下

肝俞

七壯

章門

三七壯

行間

七壯

脾積 名痞氣橫在臍上二寸

脾俞

胃俞

腎俞

通谷

章門二十七足三里上俱七壯

腎積 名奔豚生臍下或上下無時

腎俞 關元 癥癖 中極臍下積聚疼痛

湧泉四五壯不可太過炷如麥粒

氣塊

脾俞 胃俞 腎俞 梁門疼痛

天樞

長桑君鍼積塊癥瘕先於塊上鍼之甚者又於塊首

一鍼塊尾一鍼鍼訖灸之立應

心腹胸脅痛脹

肺心痛 卧若伏龜

太淵 五壯 尺澤 五壯 上腕

臆中 胸痺痛

脾心痛 痛如鍼刺

內關 大都 五壯 太白 五壯 足三里 連承山

公孫

肝心痛 色蒼蒼如死狀終日不得休息

行間七壯 太衝七壯

腎心痛 悲懼相控

太谿

然谷

各七壯

胃心痛 腹脹胸滿或虺結痛甚虺心痛也

巨闕

二七壯

大都

太白

足三里

連承山

胃脘痛

膈俞

脾俞

胃俞

內關

陽輔

商邱

腹痛腹脹

膈俞

脾俞

胃俞

腎俞

大腸俞

中脘

脾寒

水分

天樞

石門

心下
堅滿

內關

足三里

商邱

脾虛
腹脹

公孫

少腹脹痛

三焦俞

章門

陰交

臍下
冷疼

足三里

氣海

治臍下三十六疾小腹
痛欲死者灸之即生

坵墟

太白 行間 寒濕

上氣胸背滿痛

肺俞 肝俞 雲門 乳根

巨闕 期門 梁門 內關

尺澤

諸氣痛氣膈上氣不下

天突 膻中 中府 膈俞

繞臍痛 大腸病也

水分

天樞

陰交

足三里

脅肋脹痛

膈俞

章門 七壯

陽陵泉

丘墟 三壯

噎膈

諸膈證

心俞

七壯

膈俞

七壯

膏肓

百壯以多為佳

脾俞

臈中

七壯

乳根

七壯

中脘

七壯

天府

七壯

足三里

三七壯

氣噎

天突

膈俞

脾俞

腎俞

乳根

關衝

三五壯

足三里

解谿

氣逆噎將死

大鍾

勞噎

勞宮

思慮噎

神門

脾俞

諸欬喘嘔噦氣逆

欬嗽

天突

七壯

俞府

七壯

華蓋

乳根

三壯

風門

七壯

肺俞

身柱

至陽

十四壯

列缺

寒痰嗽

肺俞

膏肓

靈臺

九壯不可多

至陽

合谷

列缺

熱痰嗽

肺俞

膻中

尺澤

太谿

諸喘氣急

天突

璇璣

華蓋

膻中

乳根

期門

氣海

背脊中第七椎骨節下穴灸三壯神效

哮喘 五哮喘中惟水哮喘乳哮喘酒哮喘為難治

璇璣

華蓋

俞府

膻中

肩井

冷風哮喘
有孕勿灸

肩中俞

風哮喘妙

太淵

足三里

小兒鹽哮

於男左女右手小指尖上用小艾炷灸七壯無不
除根未除再灸

嘔吐氣逆

膈俞

三焦俞

巨闕

不下食

上脘

中脘

三七壯治嘔
吐不思飲食

氣海

章門

大陵

嘔逆

間使

乾嘔吐食

後谿

吐食

尺澤

太衝

冷氣嘔逆不食

噦逆

乳根

三壯火到肌即定其不定者不可救也

承漿

中府

風門

肩井

臑中

中腕

期門

氣海

足三里

三陰交

霍亂

巨闕 中脘 建里 水分 最效

承筋

轉筋

承山

三陰交 逆冷

照海

大都

湧泉

轉筋十指拘攣不能屈伸灸足外踝骨尖上七壯

凡霍亂將死者用鹽填臍中灸七壯立愈

凡霍亂吐瀉不止灸中脘天樞氣海四穴立愈

乾霍亂 即俗名攪腸沙也

急用鹽湯探吐并以細白乾鹽填滿臍中以艾灸

二七壯則可立甦

翻胃

脾俞

胃俞

臑中

乳根

上脘

二七壯

中脘

二七壯

下脘

二七壯

水分

天樞

三七壯

大陵

足三里

吞酸嘔吐食不化

日月

中脘

脾俞

胃俞

噯氣

中脘 經曰足太陰之脈是動則病腹脹善噫視
其盛虛熱寒陷下者取之即此

善太息

中封

商邱

公孫

善悲

心俞

大陵

大敦

玉英

臈中

經曰厥陰為闔闔折即氣絕而喜悲悲

者取之厥陰視有餘不足厥陰根於大敦結於玉

英絡於臆中也

氣短

大椎 不語 肺俞 不語 肝俞 不語 天突

肩井 氣海 氣短 內關 尺澤 氣短

陽脫

不語

足三里 太衝

瘧疾

大椎 三壯立愈

一曰百壯

三椎 骨節上灸

亦可愈

諛諛 多汗 章門

間使 後谿 先寒

後熱

環跳

承山

飛陽

崑崙

太谿

寒瘡

公孫

為主治

至陰

寒瘡無汗

合谷

久瘡不愈黃瘦無力者灸脾俞七壯即止蓋瘡由寒濕飲食傷脾而然故此穴甚效

黃疸

公孫

消渴

腎俞

小腸俞

瀉痢

百會

久瀉滑脫下陷者灸三壯

脾俞

腎俞

洞泄不止五壯

命門

長強

赤白雜者

承滿

腸鳴者

梁門

中脘

神闕

中氣虛寒腹痛瀉痢甚妙

天樞

腹痛

氣海

石門

腹痛

關元

久痢冷痢腹痛

三陰交

腹滿泄瀉

脾泄 色黑

脾俞

胃泄 色黃

胃俞 天樞

大腸泄 色白

大腸俞

小腸泄 色赤

小腸俞

大瘕泄 裏急後重

天樞 水分

上各三
七壯

腎泄 夜半後及寅卯之間泄者

命門 天樞 氣海 闕元

狂癩

癲狂

百會 人中 天窻

狂邪鬼語

身柱

神道 心俞 筋縮 骨骭

二十壯

章門 天樞 少衝

女灸此

勞宮

內關 神門 陽谿 足三里

筋縮

章門

神門

天井

陽谿

炎此不必合谷
合谷不必陽谿

合谷

足三里

太衝

頭面七竅病

頭風頭痛

百會

頭風

上星

三壯

顛會

神庭

三壯

曲差

後頂

率谷

風池

天柱

上穴擇炎一
處即可愈

風門

通里

列缺

偏頭痛

陽谿

豐隆

解谿

面疾

頰車

面頰腫痛口急不能嚼鍼灸皆可

地倉

面頰瘡腫

合谷

列缺

陷谷

面目壅腫刺出血立愈

眼目疼痛

合谷

痛而外關不明

後谿

頭目痛

青盲眼

肝俞

膽俞

腎俞

養老

七壯

商陽五壯光明

目昏不明

足三里

目眩

通里

解谿

風爛眼

肝俞

膽俞

腎俞

腕骨

光明

耳聾

上星

治風聾
二十七壯

翳風

耳痛而聾
灸七壯

聽宮

腎俞

外關

偏歷

合谷

停耳

聽宮

頰車

合谷

鼻瘕鼻痔

上星

流清
濁涕

曲差

迎香

刺

顛會

七壯鼻
癰鼻痔

通天

七壯鼻中去臭
積一塊即愈

百會

風池

風府

人中

大椎

上穴皆
治前證

鼻淵

上星

曲差

印堂

風門

合谷

鼻塞不聞香臭

顛會

自七壯至七七壯
至四日漸退七日頓愈

上星

迎香

刺

天柱

風門

口苦牙痛糜爛疳蝕

頰車

地倉

廉泉

承漿

天突

金津

玉液

上二穴
刺出血

合谷

陽陵泉

治膽熱口
苦善太息

齒牙痛

承漿

頰車

耳垂下盡骨上穴

三壯
如神

肩髃

七壯隨左
右灸之

列缺

七壯
立止

太淵

風牙
痛

魚際

陽谷

上牙

合谷

三間

下齒
七壯

足三里

上齒痛者
七七壯愈

太谿

內庭

下牙

腎虛牙痛出血不止

頰車

合谷

足三里

太谿

喉痺喉癰

天柱

廉泉

天突

陽谷

合谷

刺五分立愈

後谿

乳蛾

三間

少商

關衝

足三里

豐隆

三陰交

行間

胸背腰膝病

龜背

肩中俞 膏肓

心俞

腎俞

曲池 合谷

雞胸

中府 膻中

靈道

二七壯

足三里

胸背痛

風門

腰挫閃疼起止艱難

脊中

腎俞

三壯七壯

命門

中膂內俞

腰俞

俱七壯

腰背重痛難行

章門

腰脊冷痛

腰俞

委中

腰脚腫痛刺出血

崑崙

七壯

灸腰痛不可俛仰令患人正立以竹杖柱地量至臍中用墨點記乃用度脊中即於點處隨年壯灸

之灸訖藏竹勿令人知

腰膝痠痛

養老

環跳

陽陵泉

治脚膝冷痺不仁

崑崙

申脈

筋骨攣痛

三陰交

手足病

肩臂冷痛

凡人肩冷臂痛者每遇風寒肩上多冷或日須熱
手撫摩夜須多被擁蓋庶可支持此以陽氣不足
氣血衰少而然若不預為之治恐中風不隨等證
由此而成也須灸肩髃二穴方免此患蓋肩係兩
手之安否環跳係兩足之安否此不可不灸之輕
者七壯風寒盛者十四壯為率或分二三次報之
但不可過多恐臂細也若灸環跳則四五十壯無
害

臂痛不舉

肩井

肩髃

淵腋

曲池

曲澤

後谿

項強
肘痛

太淵

手腕
痛

受濕手足拘攣

曲池

尺澤

腕骨

外關

中渚

五痺

曲池

外關

合谷

中渚

腿又風

腎俞

環跳

陽陵泉

懸鍾

崑崙

膝風腫痛

天樞

梁丘

膝眼

可刺詳奇俞類

膝關

足三里

陽陵泉

陰陵泉

太衝

寒濕

脚氣

肩井

足三里

陽陵泉

陽輔

崑崙

照海

太衝

白虎歷節風

膝關

轉筋

照海

足內廉腫痛

肩井

三陰交

三七壯

大敦

足腕腫痛

解谿

坵墟

寒濕脚瘡

取足跗上二寸許足腕正中陷處是穴灸七壯神效此穴當即解谿也

照海

二陰病

夢遺精滑鬼交

春秋冬可灸

心俞

灸不宜多

膏肓

腎俞

灸隨年壯其效立見

命門

遺精不禁者
五壯立效

白環俞

五十壯

中極

隨年
壯

三陰交

中封

然谷

失精膝脛冷疼

曲泉

白濁

脾俞

小腸俞

章門

氣海

五壯

關元

中極

中封

五淋

膈俞

肝俞

脾俞

腎俞

氣海

石門

血淋

闕元

間使

能攝心
包之血

血海

三陰交

勞淋

復溜

血淋

然谷

大敦

小便不利不通

三焦俞

小腸俞

陰交

中極

燕腹
痛

中封

太衝

至陰

小便不禁

氣海

兼治小兒遺尿

關元

陰陵泉

大敦

行間

治失尿

大便秘結

章門

二十七壯

陰交

氣海

刺

石門

足三里

三陰交

照海

刺

太白

刺

大敦

大都

疝氣

大都痛甚者為肝疝

肩井

癩疝

章門

氣海

歸來

關元

主癩疝偏
大灸百壯

衝門

急脈

會陰

三陰交

脾肝

太谿

寒疝

太衝

大敦

隱白

脾疝

關門

在陰莖根兩旁各開三寸是穴鍼一寸半

灸二七壯治木腎偏墜

一法於關元兩旁相去各三寸青脈上灸七壯即

愈

一法令病者合口以草橫量兩口角為一摺照此

再加二摺共為三摺屈成三角如△樣以上角按
臍中心兩角按臍下兩旁當兩角處是穴左患灸
右右患灸左左右俱患即兩穴俱灸艾炷如麥粒
灸十四壯或二十一壯即安

陽不起

命門

腎俞

氣海

然谷

陰挺

曲泉

太衝

然谷

照海

莖中痛

列缺

陰痛
尿血

行間

痔漏

命門

腎俞

長強

五痔便血最效
隨年壯灸之

三陰交

痔血

承山

久痔

凡痔疾腫大勢甚者先以槐柳枝煎湯乘熱薰洗
過後用壯盛男子篋下頭垢捻成小餅約厚一分
置痔上又切獨蒜片厚如錢者置垢上用艾灸二

七壯或三七壯無不消散

又法單用生薑切薄片放痔痛處用艾炷於薑上
灸三壯黃水即出自消散矣若有兩三箇者過三
五日照依前法逐一灸之神效

脱肛

百會三壯此穴屬督脈居巔頂為陽脈之都綱統
一身之陽氣凡脱肛者皆因陽氣下陷經曰下者
舉之故當藉火力以提下陷之氣則脾氣可升而

門戶固矣小兒亦然

胃俞 長強

又有洞泄寒中脫肛者須灸水分穴百壯內服溫

補藥自愈

邪祟

凡犯屍鬼暴厥不省人事若四肢雖冷無氣但覺
目中神采不變心腹尚溫口中無涎舌不捲囊不
縮及未出一時者尚可刺之復甦也五邪皆然此

下治法出素問遺篇

肺虛者見赤屍鬼

肺俞 刺入一分半得氣則補留三呼次進一分
留一呼徐徐出鍼

合谷 刺三分得氣則補留三呼退一分留一呼
徐徐出鍼

心虛者見黑屍鬼

心俞 以毫鍼刺之得氣留補即甦

陽池 刺同

肝虛者見白屍鬼

肝俞 以毫鍼刺三分得氣留補

丘墟 以毫鍼刺三分得氣則補留三呼腹中鳴者可治也

脾虛者見青屍鬼

脾俞 刺三分留二呼進二分氣至徐徐退鍼即甦

衝陽 以毫鍼刺三分得氣則補留三呼次進一分留一呼徐徐退鍼以手摸之

腎虛者見黃屍鬼

腎俞 刺三分得氣則補留三呼又進二分留三呼徐徐出鍼○一云在十五椎下兩旁疑是竒俞類氣海俞也

以上刺法必先以口含鍼令溫暖而刺之則經脈之氣無拒逆也

鬼魅

上星

水溝

鬼擊
卒死

秦承祖灸鬼法見前奇俞類四肢部中

夢魘鬼擊

人中

七壯

足鬼眼穴

在奇
俞類

婦人病

血結月事不調

氣海

中極

照海

月事
不行

血崩不止

膈俞

肝俞

腎俞

命門

氣海

中極

下元虛冷
血崩白濁

間使

血海

復溜

行間

淋帶赤白

命門

神闕

中極

七壯治白
帶極效

餘用前五淋穴

癥瘕

三焦俞 腎俞 中極 會陰

子宮子戶 左子宮右子戶在關元旁各開三寸

千金翼以三寸為氣門穴詳奇俞類

復溜

不孕

命門 腎俞 氣海 中極

關元 七壯至百壯
或三百壯 胞門子戶 二穴詳
奇俞類

陰廉 然谷 照海 子宮冷

一法灸神闕穴先以淨乾鹽填臍中灸七壯後去
鹽換川椒二十一粒上以薑片蓋定又灸十四壯
灸畢即用膏貼之艾炷須如指大長五六分許

胎屢墮

命門

腎俞

中極

交信

然谷

產難橫生

合谷

三陰交

一治橫逆難產危在頃刻符藥不靈者急於本婦
右腳小指尖灸三壯炷如小麥下火立產如神蓋
此即至陰穴也

子鞠不能下

巨闕

合谷

三陰交

至陰

三稜鍼出血橫者即轉直

胎衣不下

三陰交

崑崙

下死胎

合谷

刺補之
即下

欲取胎

肩井

合谷

三陰交

產後惡露不止

中極

欲絕產

臍下二寸三分灸三壯或至七七壯即終身絕孕

小兒病 忌灸三里年三十外方可灸此

羸瘦骨立

百勞

胃俞

腰俞

長強

急慢驚風

百會

五七壯

顛會

上星

率谷

三壯

水溝

尺澤

慢驚

間使

合谷

太衝

五壯

臍風撮口

在母腹中氣逆所致或產時不慎受寒

而然

承漿

然谷

一法以小艾炷隔蒜灸臍中

俟口中覺有艾氣亦得生者

又法凡臍風若成必有青筋一道自下上行至腹而生兩岔即灸青筋之頭三壯截住若見兩岔即灸兩處筋頭各三壯十活五六不則上行政心而死矣

食積肚大

脾俞

胃俞

腎俞

泄瀉

胃俞

水分

天樞

神闕

腹痛乳
痢甚妙

霍亂

水分

轉筋
入腹

外踝上尖

三壯

夜啼心氣不足

中衝

三壯

疔眼

合谷

五壯

重舌

行間

小兒氣弱數歲不語

心俞

口中轉屎 因母食寒涼所致

中脘 九壯大人十四壯

陰腫

崑崙

疝氣

會陰

大敦

五癰

神庭

治風癰吐舌角弓反張灸三壯

前頂

治小兒一切驚癰證灸三壯

長強

治諸驚癰灸七壯

顛會

巨闕

章門

天井

少海

內關

少衝

一法云癩為小兒惡證古云驚風三發便為癩癩證有五即牛羊豬馬雞之類也治法俟其病發之時將患者兩手大拇指相並以綿繩縛定當兩指爪甲角是名手鬼眼穴用艾灸七壯須甲肉四處著火方效又二穴在足大拇指亦如取手穴法是名足鬼眼穴如前灸之大效大人病此則名為癩灸亦如之最良

牛癩

大杼

鳩尾

尖下五分灸
三壯不可多

羊癩 目直作羊聲

百會

神庭

心俞

肝俞

天井

神門

大衝

猪癩 痰涎如綿作猪聲

百會

巨闕

心俞

神門

馬癩 張口搖頭角弓反張

百會

心俞

命門

神門

僕參

太衝

照海

雞癩

張手前仆提住即醒

申脈

外科

發背

心俞

委陽

一曰在尻臀下一寸
六分大腿上有縫

騎竹馬穴

左右搭手加會陽

癰疽隔蒜灸法

凡患背疽惡毒肉色不變背如負石漫腫無頭者勢必重大尋頭之法用濕紙榻在腫處看有一點先乾者即是癰頭結聚之處用大獨頭蒜切作三分厚片貼疽頂以艾於蒜上灸之每三壯一換其蒜又有背上初發赤腫中間有如黃小米一粒者有十數粒一片者尤宜隔蒜灸之青囊書云外形如粟內可容穀外狀如錢裏可著拳慎勿視為微

小致成莫大之患設或瘡頭開大則以紫皮大蒜
十餘頭淡豆豉半合乳香二錢同搗成膏照毒大
小拍成薄餅置毒上鋪艾灸之務要痛者灸至不
痛不痛者灸至知痛蓋痛者為良肉不痛者為毒
氣先不痛而後覺痛者其毒輕淺先痛而後反不
痛者其毒深重故灸者必令火氣直達毒處不可
拘定壯數昔人有灸至八百壯而愈者灸後須隨
人虛實服補中托裏助胃壯氣等藥萬無一失蓋

未潰而灸則能拔散鬱毒不令開大已潰而灸則能補接陽氣易於收斂然惟蚤覺蚤灸方為上策淵然劉真人曰毒發一二日者十灸十愈三四日者六七愈五六日者三四愈過七日則雖灸不能消散矣緣其內膿已成必須鍼去方得寬鬆也雖然疽之為病有五善七惡臨證之時先須識此前置云五善見三則吉七惡見四則凶倘見七惡慎勿為灸徒召謗耳又有疔瘡一證其形不一其

色不同或如小癰或如水泡或痛不可當或癢而
難忍或皮肉麻木或寒熱頭疼或惡心嘔吐或肢
體拘急其候多端難以盡狀皆須用前灸法甚則
以蒜膏徧塗四圍只露毒頂用艾著肉灸之以爆
為度如不爆者難愈更宜多灸百壯以上無弗愈
者

乳癰 乳疽 乳岩 乳氣 乳毒

侵囊

近臚中者是

肩髑

靈道

壯二七

温溜

小人七壯大人二七壯大

足三里

條口

乳癰

下巨虚

各二七壯

熱毒

大陵

肺癰吐膿

腎俞

壯三七

合谷

壯二七

太淵

壯二七

項上偏枕

風門

壯二七

胃癰 生於左者胃口疽生於右者胃口癰

曲池

二穴各三七壯

內關 七壯

腎癰 自腎俞穴起

會陽

二七壯

附骨疽 環跳穴痛恐生附骨疽也

大陵 懸鍾 三七壯

骨旋

肘尖

七七壯不愈百壯

瘰癧 蜂窠瘰癧自左邊起七七竅皆出膿

肩髃

七壯九壯

曲池

此二穴乃治瘰癧秘法也

天池

天井

二七壯

三間

三七壯

錐銳瘰

右邊生起

肩髃

曲池

天井

盤蛇瘰

延頸生者

肩尖

即肩髃

肘尖

即曲池

人迎

七壯

肩外俞

二七壯

天井

二七壯

騎竹馬穴

三七壯

瓜藤癰 胸前生者

肘尖 少海 騎竹馬穴

馬刀 腋下者

淵腋 支溝 外關 足臨泣

頸腋俱治

癰瘡出於頰下及頰車邊者當於手足陽明經取穴
治之然肩髃曲池二穴亦妙

合谷 足三里

各七壯

已上凡感毒深者灸後再二三次報之無有不

愈

癰癰隔蒜灸法 用獨蒜片先從後發核上灸起至
初發母核而止多灸自效

又傳驗方用癩蝦蟆一箇破去腸覆癰上外以真
蘄艾照癰大小為炷於蝦蟆皮上當癰灸七壯或
十四壯以熱氣透內方佳亦從後發者先灸至初
發者而止若蝦蟆皮焦須移易灸之灸畢服煎藥
一劑其方用牙皂七箇殭蠶七條瓜蒌一箇連皮

子切碎五味子一歲一粒上四味以水二鍾煎熱
外加生煎大黃三五錢量人虛實用之一服即消
百試百效不問已潰未潰經炎必愈

癭瘤

肩髃 男左灸十八壯右十七壯女右灸十八壯
左十七壯

天突 治一切癭瘤初起者灸之妙

通天癭 風池

百壯

大椎

頸癭

氣舍

壯 灸五

雲門

瘦

臂臑

瘦

臑會

五壯

天府

五壯

曲池

瘦

中封

瘦

衝陽

三壯

身面癩疣

當疣上灸三壯即消亦有止灸一壯以水滴之自

去者

癰疹

曲池

瘡疥

風門

間使

合谷

大陵

胸前
瘡疥

毒瘡久不收口

凡患癰毒潰後久不收口膿水不臭亦無互肉者
此因消散太過以致血氣虛寒不榮肌肉治失其
宜便為終身之患須內服十全大補等藥外用大
附子以溫水泡透切作二三分厚片置漏孔上以
艾灸之或以附子為末用唾和作餅灸之亦可隔
二三日再灸之不三五次自然肌肉長滿而宿患

平矣

又方用麥麵硫黃大蒜三味搗爛如患大小捻作三分厚餅安患上灸三七壯每三壯一易餅子四五日後再灸一次無弗效者

腋氣除根

凡腋氣先用快刀剃去腋毛淨乃用好定粉水調搽患處六七日後看腋下有一點墨者必有孔如鍼大或如簪尖即氣竅也用艾炷如米大者灸之

三四壯愈永不再發

諸毒傷

五蠱毒注 中惡不能食

中脫 照海 中蠱毒

瘋犬咬傷

急令人吮盡惡血於咬處灸百壯已後日日灸之
百日乃止忌猪肉與酒一生慎之

孫真人曰春末夏初犬多發狂被其咬者無出於


灸其法只就咬處牙迹上灸之一日灸三壯灸至一百二十日乃止宜常食灸韭菜永不再發亦良法也

又治一切犬傷毒氣不出者須灸外邱一日速用三姓人灸所啣處立愈

蛇毒 凡蛇傷中毒者灸毒上三七壯若一時無艾以火炭頭稱瘡孔大小蒸之

諸蟲毒 凡蛇蝎蜈蚣咬傷痛極勢危者急用艾火

於傷處灸之拔散毒氣即安或用獨蒜片隔蒜灸
之二三壯換一片毒甚者灸五十壯或內服紫金
丹亦妙或馬汗入瘡及蠶毒蜘蛛等毒灸之皆效



類經圖翼卷十一